


113728 kalkomp.

Tiedag: 740.

Historia I Scholarum  
Mag. St. Dr.  
Pratish. gymm. Magdalen.

Technicus Joh. Dissertationes de Graciorum scholis  
et ecclesiis inq. Mathematico pressis —  
habendas indicat 1664.







J. F.  
 DISSERTATIONES  
 DE GRÆCORUM  
 SCHOLIS ET ECCLESIIS  
 Jugo Mahumetico  
 pressis;  
*Nec non*  
 DE IMPERII TURCICI STATU  
 & Oppugnatione,  
 IN ACTU VIRLINGIANO  
 GYMNASII MAGDALENÆI,  
 D. 13. Martii, A. C. 1664.  
 habendas indicit  
 M. JOHANNES FECHNERUS.

---

VRATISLAVIÆ,  
 Typis Baumannianis exprimebat Johannes Christoph. Jacob,







Lectori benivolo  
*Salutem, Observantiam, Amorem.*



Uti memori sortes populorum mente fre-  
quentas,  
Regnorumq; vices tragicas obitusq; , pe-  
renni (cum  
Quos eata Mnemosyne signavit codice te-  
Expendis, priscis conferre recentia solers;  
Respice sis terræ lacrymabile funus Achivæ.  
En! quæ prælustri pulfabat vertice cœlos  
Armorum Legumq; parens, cultissima nutrix  
Virtutum, mater studiorum fertilis, orbem  
Quæ totum Sophiæ melioris fruge replevit,  
Heu! protrita jacet Mahumetis calce feroci  
Græcia, & antiquæ laudis vix sustinet umbram.  
Scilicet Imperii nullius tanta potestas  
Eminet, infestæ quam non vis improba sortis,  
Et grave fatorum possit prosternere robur.  
Non transit metas armata potentia, Numen  
Illi quas fixit: Ruit alto à culmine Regnum,  
Cum jam summa dies instat, cum terminus urget  
Fatalis. Frustra defendunt mœnibus hostem  
Turritis cives, Superum quem fortior armat

113728

I bn



Virtus,



Virtus, ultoris quem concitat ira Tonantis.  
Nil tunc proficiunt eductæ ad sidera moles  
Murorum, nil arma juvant animiq; superbi.  
Urbicapus Mavors & inevitabile fatum  
Pulveris in formam redigunt arasq; focosq;.

Sic Hellas cecidit, ceciderunt Helladis urbes  
Augustæ, quas fama loquax æquavit olympo.  
Urbs ubi nunc Cadmi septem clarissima portis?  
Arx ubi nunc Pelopis magni, bimarisq; Corinthi  
Mœnia? Dic, veteres quo colle sterere Mycenæ?  
Commonstra Spartæ convulsa cadavera; Nempe  
Sub tumulis tumulata jacent hæc oppida cæcis,  
Nec tantæ superant vestigia certa ruinæ,  
Nec decoris lapsi signum. Fuit Argos & ingens  
Gloria Cecropidum, fuit Elis nobilis, Ipsæ  
Nil Pandionis jam sunt nisi nomen Athenæ.  
Vah sævæ sortis ludibria! Culta Minervæ  
Arx ululis præbet diris collapsa latebras.  
Barbariem spirant Scythicam vicina locorum,  
Doctrinæ quæ quondam resonabant voce Sophorum.  
Has subiit miseranda vices urbs Attica, castæ  
Palladis & Consi certamine clara, per omnem  
Artes quæ sparsit doctrinâ traduce mundum.  
Nil præter curtas hîc est spectare proscuchas,  
Quas piscatorum colit excors vappa, vel atrox.  
Prædonum tribus, ex rapto quæ vivere sœvit.  
Pars melior terram curvo proscindit aratro.

Omnia fatali populatus acinace Turca



Barbarus, ingenuas cultis cum moribus artes  
Exegit totâ dudum regione, Camœnas  
Ipsas exegit. De rupe bivertere Phœbus  
Fugit inops exul: Spoliatus Pindus honore  
Daphnonis nitidi, dumis deformibus horret.  
Cultior humano pede non adeundus Imavus  
Est Helicone sacro, Cyrrhaq; cacumine calvo.  
Bœoti sunt Bœoti, neq; varibus undas  
Vocales fundit vervecum patria Phocis.  
Lympha caballini laticis, libata Poetis  
Olim, nunc Geticos nutrit limosa caballos.

Sed quid ego memoro montes fontesq; canoros?  
Omnia somnia sunt, sunt omnia somnia, Pastor  
Ascræus dio quæcunq; poemate narrat.  
Fabula Pieridum nunc facta est fabula vera:  
Nullas nam Musas hodie fovet Aonis ora:  
Pro Musis mulas alit immanesq; camelos.

Nil est cum Phœbo, nil cum Libethride Turco  
Immiti: Gaudens Ormanica Porta cruentis  
Bellum ferale studiis indixit honestis,  
Nec patet ingenuis firmata tyrannide longâ  
Artibus, ad placidam quæ formant pectora vitam.  
Non benè conveniunt nec in unâ sede morantur  
Crudelis ruditas & blanda scientia rerum.  
Hinc Geta trux vertit Græcorum docta Lycea,  
Et potior lixa est illi sapiente magistro,  
Qui docet adversas truculentis moribus artes.  
Sentit in immensum vires sibi crescere crudâ

Barbaric:



Barbarie: Hæc ipsi numerosum sufficit agmen  
Latronum: Hac feritas se vindice Turcica munit.  
Hanc igitur Grajo ferventer in orbe tyrannus  
Odrysus dudum ferro domitore propagat,  
Ac decimas rapit è Christiana pube subactæ  
Gentis, & inde suæ fortissima robora promit  
Militiæ, quibus instructus, ceu congrege cœtu  
Diris, Christianos Furiis pugnacibus urget.

Eheu! Quò ventum est? Quò lapsa est Græcia? Ab illa  
Quantum mutata est hodiè docta; pia;?  
En! Gens quæ Christo produxit germina quondam,  
Hostes nunc Christi nutrit Satanæ; ministros,  
Qui blasphema agitant infandis orgia sacris,  
Muphtius horribili dum detonat ore tremendas  
Corani leges. Sed portio fecis Achivæ,  
Illic quæ restat, nostri mysteria JESU  
Hiscere vix audet, tenebrosis abdita clostris,  
Et servile jugum tolerat dejecta tot annos.  
At tu reliquias Danaum & miserabile fatum,  
Quod confessa Crucem sacram fert turba, revolve  
Tecum mente piâ, Germania chara, malo;  
Cautior alterius vitare pericula disce,  
Disce cavere truces pœnas, resipiscere prompta.

Musas jam dudum profugas Helicone Pelasgo  
Hospitio propensa tuo concessit Olympi  
Gratia, teq; sacri illustravit lumine Verbi.  
Nemo potest numerare scholas & culta lycea,  
In quibus omnigenæ multa cum fruge docentur



Artes, & pietas animis sincera tenellis  
Gnaviter inseritur. Sed quid Germana juvenus?  
Hæc tanta ubertas illi fastidia præbet,  
Segnis ut Argolicos ad fontes visere, Grajam  
Rês sibi habere suas jubeat cum Pallade Musam,  
Certè Cecropiæ circum subsellia Pithûs  
Trosulus exultat rarus, qui discere curet,  
Fæcundo sermone sagax quæ prodidit Hellas,  
O cæcas verò mentes! O pectora læva!  
Siccine fas linguam stolido contemnere fastu,  
Artes quâ docuit meliores gnava vetustas?  
Unde fluunt rivi lymphâ prægnante bonorum?

Est igitur nostrum, quibus est injuncta docendi  
Publica cura, pigram stimulare subinde juventam,  
Ac residui thyrsos monitorum adhibere frequentes,  
Rectius ut sapiat, dimisso errore maligno,  
Et discat mites reverenter habere Camœnas.

Artes ingenuas, cœlestia munera, nemo  
Impunè spernit. Vindex ulciscitur ira  
Numinis ingratos hominum, & socordibus aufert  
Palladium Sophiæ sacrum dotesq; benignas  
Musarum. Mox Tartaricis invec̃ta camelis  
Barbaries loca cuncta replet ruditate feroci.

Cur igitur cessas, pubes, resipiscere? Sacras  
Pieridûm sedes cur visere negligis? Instat,  
Instat atrox hostis, qui vastat acinace diro  
Templa Scholasq; pias. Exemplum flebile præstat  
Græcia, Barbariâ quæ nunc mage barbara sentur.

Hoc




Hoc est, quod teneram cras nostra monere juventam  
Svada parat, Numen si nobis faverit æquum.

Sed Vos, qui doctas proclivi mente fovetis  
Castalidas, Mecœnates promptiq; Scholarum  
Fautores, nobis venerandi semper honore  
Præcipuo, jam-nunc solenni more rogamus,  
Ut, si quam rerum graviora negocia pausam  
Permittunt, operas scholici intervifere ludi  
Et faciles nobis aures adhibere velitis.

Quod superest, summum devota in vota vocamus  
Numen, ut á nostris clades avertat acerbas  
Oris ac vires truculenti conterat hostis,  
Exitium Christi populo qui triste minatur.  
In solo spes firma DEO est: Hic proteget agmen  
Christiados parvum, & Musis præstabit asylum  
Securum, studiis ut ritè operentur honestis.

*Prop. publ. a.d. 12. Martii  
A. C. 1664.*



Dicent



## Dicent

I. *Præceptor, disserturus de Scholis publicis Græcorum Mahumetica tyrannide oppressis :*

II. *Discipuli,*

1. *Prologus, Titus Ferdinandus à Müdrach :*

2. *Declamaturi,*

1. *De Sorte Ecclesiarum Græcarum sub jugo Turcico afflictissimâ, Georgius Leuchtius Plavia-Variscus, (Græcè)*  
*Esaias Saxo, Hirschbergensis :*

2. *De Statu Imperii Turcici ejusq,*

1. *Viribus ratione*

1. *Imperatoris ipsius vel Tyranni Ottomanici, Tobias Rösnerus, Sorâ Lusavius,*

2. *Militia, Gotofredus Sprota Vratislaviensis :*

2. *Vitiis & imbecillitatibus intestinis ejusdem, Christianus Lindnerus Strelensis ; cui subjunget carmen Germanicum,*  
*Gotofredus Winterus, Olſn.*

3. *Exposituri sententias diversas de Turcarum viribus terra mariq, opugnandis & frangendis, sub personâ 4. populorum orbis Christiani, quibus cum hostibus istis barbaris hæctenus præ & pro cæteris Europeis fuit depugnandum ;*

1. *Germani, Johannes Ernestus à Brancfenberg /*

2. *Hungari, Fridricus Schneider / ex Hungari Schemnicensis,*

3. *Hispani, Theophilus Wagnerus, Vratislaviensis,*

4. *Veneti, Christophorus Pricelius Dracomontanus :*

4. *Recitaturi Psalmum 79 aliasq, formulas precationum, quibus Ecclesia contra hostes suos, præsertim Turcas Divinam opem implorat,*

*Gottfried Fuchß /*

*Andreas Hesse /*

*Gottfried Heydenreich /*

*Christianus Fridricus Ritzing /*

*Tilemannus Hartman /*

*Zacharias Hensel.*

5. *Epilogus, Daniel Lindnerus, Dracomontanus.*





Biblioteka Jagiellońska



51670009977



